

Duzlungz Manzgaengq

蛮横的苍龙

Doenghbaez, duzlungz caeuq duz-ngwz, gaeqboux dwg baengzyoux ndei.

Ngoenz ndeu, gyoengqde doxiu bae camgya doihduz doxdax buet vaiq.

Gaeqboux maj miz doiq gau lenglilil ndeu, gij bwn gwnz ndang miz nding miz henj, ndongqyanyan, gyaundeir raixcaix. Duzngwz ndaw bak gamz aen caw ndongq-rikrik ndeu. Duzlungz yawj le sim haenznyaebnyaeb.

Duzlungz doiq gaeqboux naeuz: “Daegnuengx gaeqboux ha, ndang bwn mwngz geijlai gyaundeir ha, hoeng mwngz duz iq, doiq gau lengi mwngz sawj mwngz gyauej naek ndang fouz, haengjdingh nguh mwngz buet vaiq bw! Caj seiz doxdax mwngz ciq doiq gau mwngz hawj daeggo hwnjciengz ndaej lwi?” Gaeqboux baez dingq couh han ciq hawj de lo.

Duzlungz youh ngeux gyauej doiq duzngwz naeuz: “Daegnuengx duzngwz ha, mwngz ndang iq rengz noix, aencaw mwngz hung lai, mwngz gamz dwk bak cungj naiq lo, caj seiz doxdax, lau hix nguh mwngz bw, dawz daeuj hawj gou bang mwngz dawz ba.” Duzngwz dingq le gamjdoengh dwk ngaekngaek gyauej, haiz aencaw okdaej, ndenq hawj duzlungz.

Yienghneix, duzlungz gyauej daep doiq gau lengili gaeqboux, bak gamz aencaw duzngwz, lengilili foenghfetfet lo.

Doxdax lo, duzlungz baez bongh, sikhaek lumj mbin nei bongh bae baihnaj, hoeng, daengz cazfaex seiz, doiq gau gwnz gyauej deng ngefaex caeuq gogaue gaz maenh lo, de doeng rag sae fwd, haemq nanz cij duet ndaej okdaej. Duzdouq baez ndonj ndonj gvaq geij caz faex, buet daengz byai lo.

Duzlungz doxdax saw lo, hoed naeuz: “Cungj dwg doiq gau

caeuq aencaw neix nguh saeh!” Caemhcai- hozndat dwk gag deuz baema daihhaij lo.

Gaeqboux caeuq duzngwz dingqnyl le, ienqhoij youh siengsim. Songde daeuj daengz haenz daihhaij, doiq duzlungz naeuz: “Daeggo duzlungz ha, gawqyienz doiq gau caeuq aencaw doiq mwngz mbouj miz saekdi yungh, mwngz couh boiz hawj dou ba.” Duzlungz yaepyaep da, ganvad naeuz: “Doiq gau caeuq aencaw yienznaeuz haih gvaq gou, hoeng gyaundeir youh dijbauj, gou yaek cang lengj cang ak swheij. Yaekaeu boiz hawj sou hix mbouj nanz, caj daengz seiz daenggoenz daj goengqbya baihsae swng hwnjdaej, ronghndwen doek roengz Dunghhaij bae ba.” Gangj dwk couh fwt ndaem roengz daej haij bae lo. Gaeqboux caeuq duzngwz cijndei naiqnueknuek dauqma ranz lo.

Hoeng, gaeqboux yaek dang gaeq-vuengz, de mbouj sijndaej doiq gau lengili foenghfet de, cungj siengj duzlungz ngoenzlawz boiz doiq gau hawj swheij. Ndigah, moix ngoenz mbwn caengz rongh, gaeqboux couh hwnq mbonq lo, de muengh ha muengh, muengh daenggoenz daj goengqbya baihsae swng hwnjdaej, lij iet hoz raezram haenq sing haen dwk: “Lungzgo……go…… boiz gau ho…… ho……” Hoeng, duzlungz manzgaengq, cungj ndoj youq daej daihhaij, caiq hix mbouj okdaej gvaq lo.

(Ganh Sozvwenz/甘说文)



Gaeqmeh Ok Gyaeq

母鸡下蛋

Banhaet, gou cingq youq ndaw ranz sij cozyez, sawqmwh dingqnyl ndawhongh cienz daeuj sing duzgaeq hemq “godoek godoek”. Gou gag siengj: Dwg mbouj dwg duz gaeqmeh yaek ok gyaeq lone? Gou naengh mbouj youq, cuengq bit roengzdaej, vaiq-vet buet daengz ndawhongh.

Daeujdaengz ndawhongh baez yawj, caen dwg gaeqmeh mbouj dingz byaij bae byaij dauq, ndaw bak lij mbouj dingz hemq “godoek godoek”. Yawjdaej de cingq ra dieg ok gyaeq. Daih’ iek gvaq geij faen cungj, gaeqmeh dauqdaej siengj ok gyaeq lo. Cij raen de sien dwg ietiet aenhoz yawjyawj rongzgaeq, raen baihnaw mbouj miz maz yungyiemj, ciepdwk youh yawjyawj seiqhenz, hix mbouj miz maz cingzgvang, de cij cuengqsim byaij gyawj rongzgaeq.

Daengz ndaw rongzgaeq, gaeqmeh sien yungh din saiq fiengz ndaw rongz, hawj aenrongz cungqgyang mboep di, yienzhaeuh menhmenh maeuq roengzdaej. Maeuq mbouj geijlai nanz, gaeqmeh sawqmwh ndwn hwnjdaej, song aen da daengx ndaej luenzlulu, aennaj hoengfwdfwd, aenndang mbouj dingz iet suk. Gou gag siengj, gaeqmeh dwg cingq yungh rengz, haengjdingh yaek “seng” luba! Dahraix, cij dingqnyl “bub” sing ndeu, aen gyaeq hung he doek youq ndaw rongz. Gaeqmeh ganjgip yungh nyauj saiq daengz laj dungx de yo ndei, lumjbaenz lau vunz ciengj bae nei.

Daih’ iek gvaq geij faen cung, gaeqmeh cij byaij ok rongzgaeq daej. Ciepdwk gaeqmeh byaij daengz ndawgyang gyoengq gaeq bae, iet aenhoz raez hemq “godoek godoek”, lumj dwg cingq naeuz: “Gou ok gyaeq lo, gou ok gyaeq lo!” Gaeqmeh yienhndaej gig vifung, gig daekeiq.

Hwhw, siengj mbouj daengz gaeqmeh okgyaeq baenzhaenx fukcab.

(seiq nienzgaep Lij Cwngzlungz)



sij cozvwenz cingzgingj

Gaemdawz Song Mbiengj Cih “Caeuq”

抓住“和”字的两侧

Gij ginggvaq Yenz Beibei dang “lauxsae” gig sengdoengh, daengx ban doengzhag dinghdingh dingq dwk. Doeklaeng, Yenz Beibei cam lauxsae: “Gou mbouj rox gij neiyungz gou gangj haenx guh mbouj guh ndaej dizcaiz baez cozvwenz neix?”

Lauxsae siengj dingq yigen daihgua. Mizmbangj doengzhag naeuz: “Yienghneix mbouj ndaej, baez cozvwenz neix yaek sij haenx dwg gij gamjcingz vunz caeuq vunz, de sij haenx dwg lwgvunzbaengz!” Mizmbangj naeuz: “Guh ndaej, lwgvunzbaengz hix dwg vunz, cijaeu

bouxcaj aeu de dangguh vunz couh ndaej.”

Lauxsae youh cam: “Cawzle gij-neix, lij miz mbouj miz gijmaz vwndiz?”

Daegcoengh yaepyaep lwgda, ndwn hwnjdaej naeuz: “Lij miz, lauxsae gangj baez cozvwenz neix dwg yaek ‘biujyienh gij gamjcingz vunz caeuq vunz’, hoeng, Yenz Beibei gangj haenx cijmiz gij gamjcingz de doiq lwgvunzbaengz, mbouj miz gij gamjcingz lwgvunzbaengz doiq Yenz Beibei.”

Dangz Dahaij “bu” riu sing he:

“Lwgvunzbaengz dwg baengz guh, miz gijmaz gamjcingz lo.”

Liuz Yenz fanjdoiq gij yigen Dangz Dahaij: “Gawqyienz aeu lwgvunzbaengz dangguh vunz, de couh gojiy miz gamjcingz.”

Lauxsae doengzeiq gij yigen Liuz Yenz caeuq Daegcoengh. Mboujgvaq, de youh daezok aen vwndiz he: “Yienghneix, bien cozvwenz neix gajdoengh di lawz cij hab gij iugouz baez cozvwenz neix ne?”

Lij Cing naeuz: “Gojiy bouj sij miz baez he daxmeh miz saeh okbae, gou boux dog gag youq ranz, mbouj



siujsim aeu huz raemxgoenj doek roengz dieg vaih lo, raemxgoenj lae daengx dieg, gou gip dwk daej lo. Seizhaenx, roek lwg lwgvunzbaengz lumjbaenz nai gou naeuz: “Lauxsae iq, gaej gaenj, daxmeh mbouj youq ranz, dou daeuj buenx mwngz; aenhuz coux raemxgoenj vaih lo, mwngz liz de gyaed di, caj daxmeh ma ranz le caiq sousib.”

Lauxsae caeuq gyoengq doengzhag cungj naeuz Lij Cing boujcueng ndaej ndei.

(4)